

Guangjisi Minzcu Bau

ganbbau: CN45-0036 B.2015 Nd.1 Ng.7 liggaueq gyapngux nienz ndwenit cibcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3156期

Dangj Nem Guekgya Ok《Yigen》: Yawjnaek Nem Bauj Gij Gienz-leih Saujsu Minzcu Aeu Vah Saw Minzcu Ciepsouh Gyauyuz

党和国家出台《意见》:尊重和保障少数民族使用本民族语言文字接受教育的权利

Geij ngoenz gonq, Cunghgung Cunghyangh, Gozvuyen yaenqok caemh fatboub 《Aen Yigen Gven-daengz Youq Seiz Moq Gyagiengz Nem Gaijndei Hong Minzcu》, daezok 25 diuz yigen. Ndwade, 《Yigen》 giengzdiuh, aeu laemxsim doihengz gij gyauyuz gvendaengz vah saw guekgya doengyungh, cienzmienh hai godangz son vah saw guekgya doengyungh, cienzmienh doigvangq vah saw guekgya doengyungh, bauj doengh-boux hagseng saujsu minzcu gihbwnj

gaemdawz nem sawjyungh vah saw guekgya doengyungh, doengzseiz yawjnaek nem bauj gij gienzleih saujsu minzcu ndaej aeu vah saw minzcu ciepsouh gyauyuz, mboujduenh daez-sang saujsu minzcu vah saw gyauyuz suijbingz, caemhcai youq gij dieg minzcu vnzlai aeu miz song vah saw de hengzguh yozcenz(haeuhag gaxgonq) song vah saw gyauyuz, dingh gij cwngecwz ciengjli, gyarengz dieg doiq dieg bangcoengh baij lauxsae, guh ndei hong ciu aeu doengh-boux lauxsae

song vah saw, bangcoengh beizyangi beizyin doengh-boux lauxsae son song vah saw, yenzgiu gyauyoz, haifat nem okbanj sawson, yawjnaek beizyangi doengh-boux vnzcaiz gaemdawz Vah-gun Sawgun nem vah saw minzcu, hawj ganbu saujsu minzcu daezsang gij naengzlig gaemdawz vah saw guekgya doengyungh, doengh-boux ganbu Bouxgun youq dieg minzcu guhhong wnggai hag nem gaemdawz vah saw saujsu minzcu.

(Guekgya Minzveij Vangj)

SIUSIK DINJ

简讯

● Geij ngoenz gonq, Nanzningz Si Cwngfuj baecinj daj 2014 nienz hainduj ok “cienzngeanz fazcanj saujsu minzcu” 70 fanh maenz, cienmonz yungh daeuj gensez gij hanghmoeg youqgaenj vwnzva saujsu minzcu, neix baenz gih raeuz aen si daih’it ok gij cienzngeanz neix.

(Veiz Yenzfuz)

● Daj bineix daeuj, Bingz-goj Yen Daibingz Cin cungfaen yungh ndei gij cwngecwz ciengjbouj “it saeh it yaeng”, daengx cin saedhengz 58 aen hanghmoeg, gungh roengzngeanz 432.78 fanh maenz, hanghmoeg baugvat guh roensuijniz, gya-gvangq roen, vnz caeuq doihduz gwnraemx daengj hanghmoeg hawj vnzlai souh’ik. Hanghmoeg cigsoh hawj 6.5 fanh vnz saujsu minzcu souh’ik.

(Vuz Anhginh)

● Ciuq Lozcwngz Mulauj-cuz Swciyen Bozvuzgvanz gunghcoz yinzyenz naeuz, aen Mulauj-cuz Bozvuzgvanz moq bi-gvaq 11 nyied 22 hauh cingqsik hai gvanj, mienxfei q hawj vnzlai yawj, dangqna j gaengq ciep hekyouz 3.5 fanh vnzbaez.

(Mungz Cwnghswh)

● Bi’gvaq 9 nyied co, Denzlinz Yen Bazgvei Yauzcuz Yangh Bazsiuh Cunh Mbanj-veiyez aen hanghmoeg vwnzyiz hozdung cungsim doenghhong, gungh roengzngeanz 30 fanh maenz, hanghmoeg youq 12 nyied co guh sat. Neix hawj 195 boux beixnuengx Yauzcuz ndaej miz gizdieg guh vwnzdij hozdung.

(Vangz Lizfungh)

● Daengz bi’gvaq 12 nyied daej, Ningzmingz Yen roengz 468 fanh maenz bangcoengh dajndaem byaek seizdoeng seizcou, gaengq dajndaem gij byaekgwn neix 23.27 fanh moux, hawj doengh-boux nungzminz ndaem byaek ndaej laisou.

(Cauh Yizganh)



Yungzsuij: Boq Aenvenz Angq Coux Bi Moq

融水: 吹芦笙喜迎新年

Bi’gvaq 12 nyied 31 hauh, Yungzsuij Myauzcuz Swciyen Bwzyinz Yangh gawjbanh daih’cibsam gaiq ciet aenvenz yenzdan, angq coux bi moq(ligmoq) daeujdaengz. Ngoenzde, doengh-boux beixnuengx Myauzcuz, Yauzcuz, Bouxcuengh, Dungcu daengj doxcomz giz ndeu, diuq fouxvenz caijdangz, boq aenvenz, guhdoengz daengj, gig nauhyied. Ndw doz dwg youq gwnz gai Cuzgouj ndaw yangh neix, geij dah sau Yauzcuz cingq diuq fouxvenz caijdangz.

(Liu Swjyenh/廖子渊 ingj)

Yungzanh: Gaij Fap Ndaem Go’ndoek Coengh Saujsu Minzcu Nungzminz Laisou

融安: 毛竹低改助少数民族农民增收

Gaenh geij bi daeuj, Yungzanh Yen doenggvaq gaij fap fazcanj ndoeng go’ndoek canjlieng daemq nem youq laj faex ndaem goyw, coengh doengh-boux nungzminz saujsu minzcu ndaem faexndoek ndaej laisou, gemjnoix raemj faex, saedyienh

swnghdai ndaej laebdaeb bauj ndei. Gaij fap ndaem ndoeng go’ndoek dihcanj le moix moux ndaej gya maj gij faexndoek hop raez cik ndeu de 60-100 go, doenghgij go’ndoek neix moix go gai ndaej 18 maenz doxhwnj, laj faex cauicanhhuz (cungj goyw

ndeu) moux canj 500 goenggaen, moix goenggaen gai ndaej 2 maenz, vnzlij miz gorangz dem, moix moux diegfaex lai canj mauhgvaq 2000 maenz doxhwnj, hawj doengh-boux nungzminz saujsu minzcu ndaem faex ndaej laisou.

(Danz Gaijhingh/谭凯兴)